

Н. 80-10
21



Н. АМОСОВ

Христос
сярись
ВЫЖЫКЫЛ



ЦЕНТРИЗДАТ
МОСКВА 1932

H
H
H

[Faint, illegible handwriting throughout the page]

НЗ0-10

Удмурт
13-89

Н. АМОСОВ

ХРИСТОС

СЯРИСЬ

ВЫЖЫКЫЛ

Инв. № 372

Г.П.Б. в Лигр Ц
С.С. 1932
Лит. № 88

Москва * ЦЕНТРИЗДАТ * 1932

Уполн. Главлита В 7919

Заказ № 2300

Тир 3000 экз.

17-я тир. УПП ОГИЗ'а. Москва Шлюзовая наб., 10.

Л
М
Т
М
С
С
Г
Г

И
Р
Е
А
Е

С

С
В
К
Н
Н
Л

ПИНАЛ'ЁСЛЫ ХРИСТОС СЯРИСЬ МАРЛЫ ТОДЫНЫ КУЛЭ

Инмарлы но мукет сыћеослы оскисьтэм'ёс оскон-
лыкен кужмо нюр'яськон нуо. Осконлык ас кужы-
менызы ульсьёслы бадзым из'ян лэсьтэ шуса, соос
тодо. Черк'ёсын но сектант'ёслэн обитательёсазы ась-
мелэн классовой тушмон'ёсмы ватскыса уло шуса,
соос тодо. Пиналэсьёсыз инмарлы оскисьтэм'ёс нош
осконлыклы пумит ужаны понна туж чем дыр'я пыр-
поч дасяськемын уг луо но оскисьёслэн юамзылы
пумит ваньмызлы ик шонер вераны уг быгато.

Оскись мурт'ёс туж чем дыр'я христос сяри-
сь юалляськыло. 2 сюрс ар талэсь азьло муз'ем вылын
Иисус христос улэм шуса, соос оско. Куд-огез соё
инмар шуса нима, мукет'ёсыз нош — бадзым, етйз
адямиен, куд дыр'я нош социалистэн но, коммунистэн
нимало.

Озы-а бен со? Вал-а зэмзэ ик христос? Выжыкыл-а
со, зэм марке-а?

Оскись христиан'ёс со зэм марке шуса верало.
Соос шуо, Иисус христос пе, со — инмар, муз'ем
вылэ васькем марке, собере Иисус христос вордскы-
кы пе паймоно кадесь маркеос луиллям, ин вылэ пе
нимаз виль кизили кылдйз но кизили ин вылтй мы-
ныса волхв'есты (вашкала жрец'ёсты, поп'ёсты) „инмар-
лэн вож нуныез“ доры мефак вуттйз шуса верасько.

Иисус христослы йыбыртгыны понна, вера евангелие, мукет'ёсыз но ас кужыменызы ул'ёсыс—пастух'ёс лык-тйллям шуса. Соос доры спасительлэн вордскемез сярысь иворен инмысь ангел'ёс пе васькиллям шуса, со евангелие ик вера.

Евнгелие азыланяз вера—Иисуслы 30 арес тыр-мем бераз, со шурын пыласькиз, собере проповедьлы дасяськыны кутскиз, ас котыраз оло кӧня сюрс калык'ёсты люкаллыз но бадзымесь чудоос лэстылыз шуса. Июдей книжник'ёслэн но фарисейёслэн куремзыя римской правительство сое арестовать кариз, судэ сётйз но казнить кариз—кирос вылэ распять кариз шуса евангелие вера. Евангелилэн дышетэмез'я, курадзонэ Иисус ас мылкыдыныз мынйз, ас кулонэныз калыкез сьӧлыклясь мозмытон понна шуса. Кулэм бераз Иисус собере куиньметй нуналаз пе лул'яськем но аслаз дышетскисьёсыз доры пе мынэм, собереяз нош соос дорысен инме пе жутскем. Тйни озы дышетэ евангелие.

Инмарлы оскисьтэм'ёс ваньмыз со верам'ёс выжыкыл луэ шуо. Соос шуо: нокыче христос нокуно нокытын но ой вал.

Кин бен шонер: инмарлы оскисьтэм'ёс-а, инмарлы оскисьёс-а?

Та ужпумын асьме пинал'ёс пырпоч валатскыны кулэ. Инмарлы оскисьёслэн христос сярысь юалляськемзылы меҗак вераны быгатоно, соосты оскытыны быгатоно озы ик христос сярысь верос'ёс туж уродэ вуттйсь но ноку луылымтэ выжыкыл'ёс луо шуса.

ИИСУС ХРИСТОСЛЭН ОДИГ ЧУР НО ГОЖТЭ- МЕЗ ӨЗ КЫЛЫ

Адымилэн историез трос дышетскем'ёсты, мыслительёсты, писательёсты, етйз мурт'ёсты туж троссэ тодэ. Историлэн со тодэм калык'ёсыз пöлысь троссэз, асьсэ дышетонзэс кылдытэм'ёсыз, адымилы асьсэлэсь ужам бервылзэс — книгаоссэс но мукет сыёеоссэс кельтйзы. Кылсарись вераломы, ужась класслэн бадзымесь кивалтйсьёсыз но дышетйсьёсыз вал — Карл Маркс но Владимир Ильич Ленин. Маркс трос книгаос гожтйз. Со гожтэм книгаосыз пöлысь пролетариат понна туж дуноез „Капитал“ луэ. Та книгаин капитализмо обществолэн будонэзлэн кыёе закон'ёс'я мынэмез но марлы со обществолэн одно ик быронэз гож'яське. Та книгага ужась класслэн зечесь пиосыз капитализмлэсь зйбетсэ кызы сэрпалтыны дышетскизы. Владимир Ильич улйз инй капитализм куашкан вакытэ, быдэс дунне вылын пролетар революци жутскон вакытэ. Солэн кивалтэмез'я Россиясь ужась класс большевик'ёслэсь андан парти кылдтйз, тйни со парти собере ужась классэз Октябре вормоназ вуттйз. Владимир Ильичлэн кивалтэмез'я быдэс дунне вылысь пролетар'ёслэн революци мылкыд'ем кужымзы огазеямын но Коммунистический Интернационал кылдытэмын вал. В. И. Ленин ужасьёсты но кресьян'ёсты дышетылйз солы, революциез кызы азин-

лыко нуыны кулэ но пролетар государствоен кызы кивалтоно, ас кужыменызы улйсьёсты ваньзэс социализмо улонэ нуыны понна. Ленинлэн книгаосыз'я, статьяосыз'я но верам кыл'ёсыз'я быдэс дунне вылысь пролетариат но быдэс дунне вылысь ас кужыменызы улисьёс дышетско али революци ужлы, вуж улон югдурен азыланьын нюр'ясыкыны понна но социализмо, виль общество лэсьтыны понна кулэ макеос, кулэ югдур'ёс басьто.

Инмарлы оскисьёс, христиан калык'ёс, шуо, Иисус христос но сыће ик бадзым йырвизь сётйсь вёлэм, со, пе, христиан сярись дышетон кылдытэм шуо. Инмарлы оскись христиан калык'ёс пöлысь тросэз Иисусэз инмарен но лыд'яло. Та бордысен таће юан потэ: Иисус христос нош христиан сярись учение кылдытйз ке, кельтйз-а со калыккы аслэсьтыз ужам бервылзэ, книгаоссэ но мукет сыћеоссэ? Татысен потэ инй таће югдур: Иисус христослэсь одйг книга гинэ овол, одйг чур но гожтэмез кылемын овёл шуса.

Инмарлы оскисьёс асьмелы шуозы, Маркс но Ленин кемалась өвёл, алигес гинэ улйзы, Иисус нөш, 2 сюрс ар талэсь азыло улйз, соин ик солэн кылем макеосыз номыриз но та дырозь өз возиське нй. Марксэз но Ленинэз кылсярись вераны понна асьмеос басьтйм соин, со ним'ёс ас кужыменызы улйсьёслы ваньмызлы тодмо луэменызы, асьме понна кажноезлы соос матын луо.

Асьмеос нош мыслительёслэсь но етйз мурт'ёслэсь ним'ёссэс туж трос вераы быгатысалмы. Ваньзы соос оло көня сюрс ар'ёс талэсь азыло улэм мурт'ёс луо но соос асьсэос, яке соослэн дышетскисьёссы асьсэлэсь малпамзэс но дышетэм'ёссэс гожтыса кельтйзы. Басьтом кылсярись туж тодмоесь греческой философ'ёсты — Платонэз, Аристотелез, Демокритэз. Ваньзы соос „рождество христово“ шуонлэсь туж

кема азьло уйзы, озы ке но соос бере книгаоссы
но соослэн асьсэлэсь дышетэмзэс гож'ям'ёссы кылизы.
Зэм, вал таёосыз но мыслительёс, куд'ёсыз асьсэлэсь
дышетэмзэс өз гож'яллялэ яке соослэн ужам бервылзы
та дырозь өз утялгйськылы. Озы ке но, мыслительёс
но учоноёс тросэз асьсэлэсь ужам бервылзэс асьмелы
кельтйзы, соос собере али но вань.

Али нош тодамы возём, Иисус христослэсь одйг
чур но гожтыса өз кылы шуса.

ИИСУС ХРИСТОСЛЭСЬ НОКЫЧЕ ПАМЯТНИК'ЭС НО ТЙРЛЫК'ЕС ÖVÖЛ КЫЛЕМЫН

Трос дышетскем, ётиз адямиос кулон дыр'я, со-ослэн поколенизы со адямиослэсь ним-данзэс кель-тыны сюлмасько. Со понна соос адямиослэсь луло дыр'язы мар бордын ужамзэс возё. 1924-тй арлэн январь толэяз кулйз ас кужыменызы ульсьёслэн бадзым дышетйсьсы—Владимимир Ильич. Мар-о лэсь-тйзы асьме кунысь ужасьёс но кресьян'ёс? Асьмелэн сокы ик Ленинлэн музеез кылдытэмын вал, туэ нош бадзым Ленинский институт вань инй. Со институтын Владимир Ильичлэн рукописьёсыз, книгаосыз но ужам уж'ёсыз бордын уж мынэ. Со институтэ озы ик асьмелэн кивалтйсьмылэн луло дыр'яз ужам макеосыз—тйрлык'ёсыз ваньмыз люкамын. Муское ваизы Сибырлэн кыдёкысьтыз Шушен селоись жök, кровать но мукет сыче тйрлык'ёс, ссылкаин дыр'яз Ленинлэн улэм интйысьтыз. Институтын вань Ленинлэн 1917-тй аре Керенскойлэн агент'ёсызлэсь Разлив ты сьöрын ватскыса улэм куаезлэн но тйрлык'ёсыз.

Вань асьме Мускоин Карл Маркслэн но Фридрих Энгельслэн нимынызы Институт но. Отын вань Маркслэн лыдзем книгаосыз, солэн записной книжкаосыз, мукет но сычеосыз. Вашкала дуннеись бадзымесь мурт'ёслэсь но туж трос памятник'ёс кылэмын. Куд-огез со памятник'ёс оло көня сюрс ар'ёсын лыд'ясько.

Инмарлы оскисьёслэн верамзы сямен зэмзэ ик куке но сокы Иисус христос улысал ке, со етйз аядми, мыслитель лусал ке, поколениез со кулэм бере озьы ик солэсь ним-данзэ кельтыны сюлмаськысал, солэн луло дыр'яз ужам но вырем макеосыныз но тйрлык'ёсыныз. Вань-а бен со? Эскероно ке, өвёл. Эскероно ке, Иисус христослэсь номыриз но кылымтэ, но кыче памятник'ёс но. Зэм нош, инмарлы оскисьёс куд дыр'я шуо, кылемын пе со пулэн люкет'ёсыз, кудйз вылэ Иисус христос кортчогамын вал, озьы ик собере христосэз кирос борды кортчогам кортчог'ёс но кылемын на шуо. Эскероно ке нош, со пулэн кылем люкет'ёсыз сокем трос, соосты ваньзэ огазе люкаса кирос гинэ өвёл, туж бадзым корка но лэсьтыны тырмоно. Кылем кортчог'ёсыз но нош ныль гинэ өвёл (кык киоссэ но кык пьд'ёссэ кортчогапы понна кулэ луэмез мында), оло кёня дасо дюжинаосын¹⁾ ляд'ясько. Ваньмыныз со кортчог'ёсын адымилэсь мугорзэ „распять“ карысал ке, солэн мугораз одйг но буш клеткаез²⁾ ой кыльсал нй. Валано, сыче „памятник'ёсты“, куд'ёсыныз „возьматыны“ понна черк'ёсын но монастыр'ёсын вузкаро, наука Иисуслэн улэмез сярысь документэ пыртыны уг быгаты.

Инмарлы оскисьёс нош ик асьмелы тазы шуыны быгатозы: Иисуслэн улэм дырысеныз туж трос дыр ортчиз, солэн кылём макеосыз номыриз но та дырозь өз возиське нй. Сыче югдур'ёс вал историын, асьмеос нош одйг со вылысен гинэ христос ой вал шуса ум юнматэ. Али нош озьы ик тодамы гинэ возём, христослэсь но кыче тйрлык'ёс но котыр'ёс өз кыле шуса.

1) Дюжинаин—12 кортчог

2) Адымилэн мугорыз, сйль-вирез туж пичиесь гинэ макеослэсь, люкет'ёслэсь лэсьтйськемын. Со люкет'ёс туж пичиесь — огшоры синмын учкыса уг адско.

СОКЫ ДЫР'Я ИСТОРИК'ЁС ПӐЛЫСЬ ОДИГЕЗ НО ИИСУС СЯРИСЬ НОМЫР УГ ГОЖТЫ

Дышетскем, етйз мурт'ёс сярись асьмеос коть мар-
лэсь но туж соослэсь ужам'ёссэс но улэмзэс гож'-
ям'ёс вылысен тодйськом. Бадзымесь мурт'ёс сярись
соосын ёош уйлсь историк'ёс но писательёс гож'яло.
В. И. Ленин улыкы, луло на дыр'яз ик, со сярись
статьяос, брошюраос но книгаос гож'яллызы инй.
Со кулэм бере нош, солэн улэмез, ужомез но мар
понна сюлмаськемез сярись гож'яса трос пӑртэм
книгаос поттэмын вал. Карл Маркслэн но ужомез
но улэмез сярись озы ик туж трос. книгаос гож'я-
мын вань. Историк'ёс асьсэлэн гож'ям историосазы
бадзымесь калык'ёслэсь улэмзэс ялан пус'йылйзы.
Азьло дыр'я школаосын — гимназиосын, реальной
училищаосын, мукет'ёс аз но сыёеосын — дышетски-
сьёсты пӑртэм вашкала эксэйёсты но полководец'ёс-
ты дышетскыны косылйзы. Тани кылсярись милемдыз
римской император Юлий Цезарь сярись зубрить кары-
ны косылйзы. Со нош „рождество христово“ шуон-
лэсь оло кӧня сю ар'ёс азьло улэм марке. Милемдыз
пырпоч дышетскыны косылйзы Цезарьлэсь кызы улэм-
зэ, кызы со султылйз, нуналлы кӧня пол сиськылйз,
мукет сыёеосэ но. Чаклано ке, историк'ёс асьсэены-
зы ёош уйлсь бадзым дан'яськись адямиослэн улоньсы-
тызы вань пичиесь макеоссы сярись но гож'яло.

Нош ик юан потэ: Иисус христос дан'яськись, бадзым адями, „инмарен“ но со дан'ямын вал бере, солэн улэмез сярьсь соин чош улэм историк'ёс но учоноёс марке гож'язы-а? Сычёеьсь историк'ёс но учоноёс нош туж уно вал: дан'яськись еврей историк Иосиф Флавий, римской историк Тацит, еврей писатель Юстус, Филон, историк Юст Тиверий, учоной-естественник Плиний Старший, мукет'ёсыз но трос сычёос. Та учоноёс но писательёс соки дыре историез пырпоч гож'язы. Асьсэлэн сочинениосазы соос пöртэм чыры-пыры векчи макеос сярьсь но гож'яло, туж пичиесь, чик дан'яськисьтэм мурт'ёс сярьсь но. **Иисус христос сярьсь нош соос одйгез но нокрытын но номыр уг гож'яло.**

Маро бен со озы луэ, мае возматэ? Со возматэ, соос нокрыче Иисус христос сярьсь öз кылылэ шуса, öз кылылэ нош Иисус христос вылымтэен.

Христос сярьсь историк'ёс нокрытчы но пус'иллямтэ шуса, „духовной отец'ёс туж“ куректылйзы. Соос кышкаллязы солэсь, соослэн христос сярьсь валэктэм'ёссылэсь калык'ёс уз оске шуса, соин ик пöртэм урод, кырыж уж'ёс лэсьтон борды соос кутскизы. Книгаос соки дыр'я типографиын öз печатласькылэ, кийн гожьяськылйзы. Тйни озы кийн гож'ян дыр'я „духовной отец'ёс“ еврейской историк Флавийлэн но римской историк Тацитлэн сочинениосазы асьсэлэсь малпамзэс пыртйзы. Со пыртэм'ёссы нош соослэн сокем умойтэмесь, чик курадзытэк со пыртэм'ёсты 4-тй но 5-тй группаосын дышетскисьёс шарае поттыны быгатозы. Кылсярьсь, Иосиф Флавийлэн книгаяз таçe марке пыртэмез вань: „Соки дыр'я потйз Иисус, туж етйз, трос тодйсь адями, адями шуса сое шонер ке луэ. Паймоно кадесь уж'ёсты лэсьтйсь, зэмез шумпöтыса валаткись, калык'ёсты дышетйсь вал со но троссэ иудейёсты но грек'ёсты но ас палаз карем. Со вылэм

христос. Асьмелэн выль сыльсь адымиосмы чагиськыса Пилат сое кирос вылэ кортчогам бере, нырисьёсыз сое яратьсьёс чик өз пөсек'ялэ. Куиньметй нуналаз со нош ик соос доры лулоен вуиз. Озы берытсконэз сярьсь но, мукет'ёсыз оло кӧня сюрс паймоно уж'ёсызлы кадь ик пророк'ёс азьло ик тодыса веразы.“ Тани та кыл'ёсты, чур'ёсты гож'ясь мурт, адске, христослы, инмарлы кадь оске, солэн „паймоно“ кадесь уж'ёсызлы оске но озы бере со адыми христианин луыны кулэ. Таин чош ик нош историысь тодмо, Флавий нокуно христианин ой вал, со ялан полуязычник но полуиудей луса улйз но озы ик кулйз шуса. Озы бере, Иосиф Флавий со чур'ёсты ачиз гожтыны өз быгаты. Со сяна собере учоноёс доказать каризы, Флавийлэн нырьсь кыин гож'ям книгаосаз ньылетй вапум кутскытозь со кыл'ёсыз гожтэмын ой вал шуса. Сыче ик подделказэ римской историк Тацитлэн книгаисътыз но учоноёс доказать каризы.

Иисус христос, шуо инмарлы оскисьёс, бадзымесь чудоос лэсьтылйз, солэсь улонзэ но сычеесь ик бадзымесь чудоос но югдур'ёс ортчытымйзы. Шуо кылсярьсь, Иисус христос кирос вылын кулыкы, муз'ем туж кужмо зурказ но шунды чоктаськиз: „черкысь завесаез кык лыкетлы люкиськиз, выльысен улйозь; муз'ем но зурказ; из'ёс но выизы, куазь по гудыр'яз, кулэм святойёслэн но тросэзлэн мугорзы луляськиз, куать часысен укмыс часозь быдэс дунне вылын куазь пеймыт улйз“ (евангелие от Матфея).

Соки дыр'я улйз римской учоной Плиний Старший. Со гожтйз „Естественная история“ нимо книга, соки дыр'я инкуазьлэсь вош'яськылэм'ёссэ пырпоч возьматыса. Со книгаин шундылэн пеймыт адскылон'ёсыз сярьсь быдэс люкетэз вань, нош, со пеймыт луэм сярьсь, кудйз вал „быдэс дунне вылын“ „куать часысен укмыс часозь“, книгагэн нокрытыназ

но номыриз өвөл. Муз'ем зуркам сярись но номы-
риз өвөл.

Иисус христослэн „паймоно“ кадесь уж'ёс лэсьты-
лэм'ёсыз сярись но нокудиз но историк'ёс но, учоноёс
но чик номыр уг гож'яло. Тйни сычеесь „паймоно“
кадесь уж'ёс но югдур'ёс дунне вылын нокуно ой вал

ЕВАНГЕЛИОС ИИСУСЛЭН УЛЭМЕЗ СЯРИСЬ ВОЗЬМАТЙСЬЁС ЛУЫНЫ УГ БЫГАТО

Та дырозьзэ асьмеос Иисуслэн улэмез сяриось возьматйсь но юнматйсь материал'ёс өм шедыэ на али. Тйни со вылысен собере асьмеос нокыче христос но нокуно ой вал шуса вераны ке кутскиськом, инмарлы оскись калык'ёс „пештырскыса ик жутско“.

—Кызы озы ой вал? Со сяриось веть евангелиосын вераське.

Солэн ужез ваньмыз луэ со бордын, наука евангелиез христослэн улэмез сяриось возьматйсь книгаос кадь лыд'яны быгатымтэез бордын. Евангелиос — со пöртэм легендаосты по сказаниосты люкам макеос. Со легендаос но сказаниос нош огзылы огзы пумит луо но географи но истори ласянь дыр'ёсын вайяськыса кошко. Та ласянь евангелиосты—Илья Муромец, Добрыня Никитич, Алеша Попович кадесь но мукет сычеесь былинаосын чöшатыны луоз.

Евангелиос сяриось инмарлы оскись калык'ёс шуо: соос пе святой книгаос, соосты, пе, ачиз инмар гож'яз христослэн дышетскисьёсыз вамен. Эскероно ке нош, евангелиос туж трос вылэм. Нылетй вапум кутскыкы евангелиослэн списоксы 2 вылэм. Одйгаз списокын 40, кыктэтйяз нош 4 евангели лыд'яське вылэм. Кажноез нош соос пöлысь, огезлы огез пумит луо. Куд-огаз евангелиосын сычеесь мыдлань гожтэм'ёсыз но вань

вылэм, соин сэрэн соосты, со евангелиосты оскись-ёслэн киязы сётылыны но яраллянтэ. Тани кылсярись нырись евангели Фомалэсь вал. Тйни со евангелиын Иисус христослэн пинал дырыз гож'ямын. Евангелиез гожтйсь, Иисус пинал дыр'яз ик коть мае быгатйсь инмар ийн шуса, возьматыны турттэ. Абдрано кадь луэ. Со евангелиын ик пичи пинал—Иисус аслэсьтыз кужымзэ керзег'яськон понна, муртэз вöськарон понна кутэ, собере ассэ нокинэ жалясь-тэмен возьматэ.

Маро бен лусал, со евангелиез нош инмарлы оскись калык'ёслэн киязы сетысалзы ке? Оскысалзы-а соос сыче инмарлы—керзег, нокинэ жалясьтэм, муртэз вöськарыны яратйсь пиналлы? Ноказыны но ой оскысалзы.

„Духовной отец'ёс“ со сяришь туж кема малпась-кизы но берпумзэ таچه кылпум поттйзы: тйни сое дьявол калыкен шудыны малпаз дыр но зэм евангелиосы аслэсьтыз дьявольской евангелизэ будэтйз луоз. 325-тй арын Никея каре церковной соборе 318 епископ'ёс люкаськизы. Кема тэкшерем беразы тйни со оgezлы оgez пумит луись, сураськем евангелиос пöлысь 4 евангелиез бур'изы—Матфейлэсь, Марклэсь, Лукалэсь но Иоаннлэсь. Таосыз евангелиос соослы тужгес шо-нер потйз но со евангелиосты соос черкен умой лыд'-ямен ялйзы.

Инмарлы оскись калык нош запретить карем'ёссэ евангелиосты лыдзыны яратэмен, поп'ёс асьсэлэн тйни со 4 евангелиослы аслэсьтыз инмарлэсь кызыны одоб-рени басьтэмзы сяришь таچه выжыкыл вералляны кут-кизы: „Евангелиос ваньмыз алтарь улэ понэмын вал, поп'ёс нош ваньмыз чош куараен вöсьяськыны кут-кизы: „Инмаре, лэсьты озы, зэмез евангелиос алтарь вылэ мед потозы шуса! Инмаре, лэсьты озы, зэмез евангелиос алтарь вылэ мед потозы шуса!“ Трос пол

бөрсе тйни озьы поп'ёс шуиллям пе но алтарь вылэ пе тйни со 4 евангелиос, талэн вылйяз верам евангелиос пе потйллям, куд'ёссэ али но оскись христиан'ёс лыдзё“.

Мукет'ёсыз евангелиос шарае поттыны лэзэнтэмлы ялэмын вал. Коть кытын, кытысь гинэ соосты шедьтылйзы, люкаллязы но быдтылйзы.

Озьы зэме пыртэмын вал талэн вылйяз верам нбыль евангелиос но мукет'ёсыз быдтэмын.

Поп'ёс бур'изы 4-зэ гинэ евангелиосты. Таосаз но евангелиосын нош сокем трос сураськем'ёсыз но огеzлы огеz пумит луисьёсыз, сое чик курадзйтэк школаин дышетскисьёс но шарае поттыны, шёдыны быгатозы. Пинал'ёс коть марлэсь ик азьло Иисуслэсь кыче калык пёлысь потэмзэ тодыны скулмаськозы: кин солэн аиз, аизлэн аиз но мукет'ёсыз. Маро бен соос адзозы? Тани мар адзозы. Таче дышетон вань, кудйз'я „инмар — куиньлы люкиське“: бог-отец, бог-сын, бог-дух святойлы. Кин бен вал Иисус? Евангелиын шуиське, инмарлэн пиез. Кин бен солэн аиз? Бог-отец луоно кадь вылэм. Евангелиын ик нош, Иисус христос, святой духлэсь вордскемын шуса вераське. Маро бен луэ, та бордысен кыче югдур потэ? Одыгезлэсь вордскем, мукетсэ нош „папанькаен“ величать каре. Ог кутскемысе кык аиз. Со гинэ нош ожыт али. Эскероно ке, Иисуслэн куиньметйез но „аиз“ вылэм на. Лукалэн евангелияз шуиське, Иисуслы 12 арес тырмем бераз, солэн мумиз-аиз соин чош черкемынйзы. Берлань бертыкызы, соос өз шёдылэ, пинал пизылэсь оло кытчы луэмзэ. Соос сое утчаны кутскизы но, 3 нунал ортчыса гинэ сое черкысь шедьтйзы, дышетйсьёс пёлын пукись маеке, соослэсь кылзйськись маеке но соослэсь юалляськись маеке“ Сое адзыса, Мария шуиз Иисуслы: „Чадэ, марэ тон лэсьтйд миленымы? Тани тынад аид но мон тонэ туж курек-

тыса утчам“. Мария, „матерь божия“, озы сое нимало инмарлы оскисьёс, ачиз шуэ, Иисуслэн аиз — Иосиф.

Иисуслэн пересь аиныз но озы ик сураськемын. Матфейлэн евангелияз христослэн пересь аиз Иаков нимаське вал шуиське, Лукалэн евангелияз нош Ильяз Иисуслэн пересь аиз вал шуо.

Христос вордскем бере сокы ик Иосиф, Матфей-вэн евангелиезлэн со сярысь верамез'я, „кутйз сокы вордскем вож пиналэз но солэсь мумызэ но уин мынйз Египетэ но отын Ирод култозь улйз“. Лукалэн, евангелияз нош копак мукет сямен шуиське, талы пумит.

Иосиф но Мария асьсэлэн пиналэнызы ас интйысьтызы өз вырзылэ, пиналзы вордскем бере көня ке нунал ортчыса нош пиналзэс черке нуизы, отын сое старец Симеон пумитаз, тйни со нима ик христиан'ёслэн „сретение господне“ праздниксы кылдытэмын.

Евангелиосысь тйни сыёеесь огзылы огзы пумит луон интыосты туж трос вераны, возматыны луоз. Иисуслэн аслаз дышетэмез но евангелиосын талэсь но тужгес тугаськемын но огзылы огзы пумит луо шуса гинэ вераны кулэ на. Одйг евангелиысь ик, куд дыр'я нош одйг бамысьтыз ик, асьмеос шедьтыльськом христослэсь верам кыл'ёссэ оgezлы оgez мейчак пумит луисьёссэ, ваче тупасьтэм'ёссэ. Кылсярысь, Матфейлэн евангелиезлэн одйг интыяз Иисусшуэ: „блаженны миротворцы, ибо они будут наречены сынами божиими“ но „урод карисьлы эн пумитаськы,“ Соин артэгес ик, со евангелиын ик Иисус тазы шуэ: „мир вайыны мон ой лыкты, нош меч вайны лыктй но „коть кыёе писпуэз, умой емыш сетйсьтэмзэ, корало но тылэ куяло“.

Одйг Иисур ик кык пөртэм вераське кадь луэ. Нырыяз со шуэ лачмытыэсь но куаретйсьтэм калык'ёс умоесь, собере нош со ик, отын ик—мон лыктй

мечен, мукет сямен вераса жугиськыны лыктй шуса, вера кадь потэ. Одыг интыяз Иисус урод карисьлы пумитаськыны уг дэмласькы, мукет интыяз нош шуэ, кинлэсь ке умой уж нокуно уг луылы, соосты быдтылыны кулэ.

Сыёеесь оgezлы оgez пумитлуись кыл'ёс евангелиосын туж уно но соос возматэ евангелиос пёртэм дыр'ёсы но пёртэм адямиосын гож'ямын шуса.

Ваньмыз тйни сыёе тупамтэос сяна евангелиосын географической, озы ик нош исторической тупамтэос трос на. Иисус сярьсь евангелиосын со Назаретысь луэ шуса вераське, соин ёш ик нош сокы дыр'я сыёе кар чик ой вал на. Римской император'ёслэн но наместник'ёслэн улэмзы но истори ласянь шонер уг гожтйськы.

Ваньмыз со, евангелиос зэмзэ ик вашкала легендаосты, важыкыл'ёсты, ноку луылымтэ, вылымтэ макеосты но мукет сыёеосты люкаса гож'ям книгаос луо шуса возматэ. Соос нош, со евангелиос, Иисуслэсь улэмзэ возматйсьёс, юнматйсьёс луыны уг быгато.

ВАЛ-А ХРИСТОС?

Маро бен луэ, кыче югдур син азе пуксе? Иисус христослэн одйг чур но гожтэmez, номыр тйрлыкез но котырыз кылемын овол, одйг историк но, учоной но писатель сокы дыр'я улйсьёсыз одйг кыл но уг верало Иисус сярись но, Иисуслэн улоназ пөртэм югдур'ёс луэм сярись но. Евангелиос — одйг книгаос гинэ, христослэн улэмез сярись кытын вераське — ноказыны но христослэсь улэмзэ юнматйсь документ'ёс луыны уг быгато. Татысен учоноёс таёе пум'ян лэсьто: ноказыне христос но нокуно ой вал но со выжыкыл, легенда луэ шуса, со сярись ваньмыз вераськон'ёс нош туж вашкала выжыкыл'ёс но миф'ёс луо шуса пум'яло.

Наукалэн кияз нош одйг доказательство вань на, тйни со пум'янез юнматйсь марке. Тйни со доказательство осконлыкез чошатон истори нимаськись наукалэн кияз луэ но ваньмызлэсь ик калык'ёслэсь осконлык'ёссэс дышетске.

Тани та наука вера та сярись, „рождество христо-во“ нимаськись дырлэсь туж кемалась азыло ик троезлэн вашкала калык'ёслэн тани таёеесьгес ик легендаоссы, выжыкыл'ёссы асьсэлэн инмар-спаситель'ёссы сярись, спаситель-Иисус сярись легенда кадь ик вал шуса.

Ваньмыз вашкала инмар-спасительёс озы ик вордскылйзы, калыкез валэктылйзы, курадзылйзы но нош

лул'яськылйзы, христос сярись евангелиосын кызы гож'ям сямен ик. Египетын сыче инмарен Гор вал, солэн мумиз нош Изида, Финикиын — Таммуз, Персиын — Митра, мукет но сыче инмар'ёссы кажноезлэн ас понназы вал. Ваньмыз со инмар'ёс инкуазьлэсь мукет югдурен кылдылйзы, ваньзы соос сычеесь ик чудотворец'ёс вал, христос кадь ик, со кадь ик чудоос лэсьтылэм макеос. Со инмар'ёсты тусбуямзы Иисус христосэз тусбуямен огзылы огзы туж укшало.

Тужгес но трос ог кадез вань евангелиослэн христос сярись верамазы индус'ёслэн, китаец'ёслэн но монгол'ёслэн инмарзы — будда сярись легендаосынызы. Профессор Зейдель, буддизмез оло көня бөрсе ар дышетскыса, будда сярись тазы гожтэ:

„Будда — со воплотиться луэм инмар; адямиез кадь ке учконо — со эксэй выжиись вордскем мурт... Вордскем со инкуазен кылдытэм югдурлэсь мукет но, солэн вордскемез чудоен ялэмын вылэм. Инмар'ёс но эксэйёс виль вордскем марлыке йыбырттылйзы но солы кузьым вайылйзы. Одыг пересь поп сокы тодэ солэсь урод уж'югдур'ёсты, йыркур луон'ёсты быдтйсь луонезэ. Мир но шумпотон вөлмизы муз'ем кылэ. Пинал буддаез чакласа уйллям, кыче ке чудоен нош солэсь со палэнскем, собере бадзым дан'яса черке пыртэмын, сюлмаськись мумиз-аиз даскык арес'ем пизэс утчало но поп'ёс пöлысь черкысь шедьто. Со аслэсьтыз дырызлэсь вазь быдэ вуэмзэ шарае поттэ, аслэсьтыз дышетйсьёссэ ортче но солэн мудростез арлы быдэ будэ. Со көс возе (пост уте) но искушениослы шедьылэ, священной шурьин со святой крещени кутэ. Одыг мудрой поплэн куд-огез дышетскисьёсыз со доры мыно. Отён кылын луэ: „Мын мон сьöры“. Даскык дышетскисьёс пöлысь — куинез примерноесь но

одйгез — шузи. Дышетскисьёслэн азьло ним'ёссы воштэмын вал.

Дышетйсь луса будда блаженство проповедьёсын пота, тужгес но яратэ со притчаосын вераськыны, чем дыр'я нош кыл бур'ёназ но христослэн дышетэменыз паймоно кадь ог тус'ёсыз вань.

Со дышетйз озыы ик, аслаз вордскемезлэсь азьло ик ульи шуса. Аслэсьтыз кулыны одьямзэ шодыны куткыса со, ин вылэ берен берытскисько шуса вера. Берпум кыл'ёссэ веракыз со аслэсьтыз дышетскисьёссэ уш'я, соослы дурбасьтйсьыстыны ёктэ но дуннелэсь ог'я кушканзэ вера. Вераса быдтонтэм трос чудоос буддалэсь инмар луэмзэ юнмато. Со ветлэ ву вылтй но мукет сыёеос. Туж бадзым данэн пыре столицае но абдрано кадесь знамениосын кулэ. Муз'ем куалек'я, дуннелэн дур'ёсыз тылын жуало, шунды кысэ, метеор инвылысь усе. Будда, христос сямен ик, адэ мынэ но ин вылэ жутске.“

Асьмелэн та выльи верамысьтымы будда кылзэ куштйд ке нош, тросэз уз но шодскылэ, вераськон христос сярысь уг, будда сярысь мынэ шуса. Буддизм нош, пус'йыны кулэ, христианстволэсь 500-600 ар азьло кылдйз.

Маро бен асьмеос адзиськом? Асьмеос адзиськом христос сярысь вераськон'ёс христианствоен пёртэм калык'ёслэн вашкала дыр'я оскон'ёсысьтызы басьтэмын шуса. Туж вашкала калык'ёс, арысь дыр'ёслэсь вошкылэмзэс, будос, турын-куар'ёслэсь вошкылэмзэс кызы маин луэмзэ валэктыны быгатымтэенызы, ваньзэ со вошкылон'ёсты пёртэм инмар'ёс бордысен, коть марлэсь но туж шунды бордысен луэ шуса вераллязы.

Тйни со калык'ёслэн шунды инмарлэн вордскон но лу'яськон праздникёсыз вал. Шунды инмарлэн вордс-

кон праздникез толалтэ нунал берытскыкы, нунал кузяны кутскыкы ортчытылйськыз, сокы дыре шунды нош вильысь вордске кадь шуса. Асьсэ инмар'эссылэсь кулон но лул'яськон праздник'эссэс вашкала калык'эс тулыс ортчытылйзы, турын-куар тулыс будыны кутскыкы. Асьсэлэсь инмар'эссэс соос инкуазьлэсь вылтй кылдэм адямиос кадь малпаллязы: вордскылйсь, курадзись, кулйсь но нош ик лул'яськись мурт'эсты кадь. Со сярысь трос легендаос но пөртэм выжыкыл'эс кылдытылэмын вал. Тйни со инмар'эслэсь калык'эс соосты куанер улонлэсь, эксплуатацилэсь но раб луса пачкамлэсь мед мозмытозы, мед утялтозы шуса но куриськылйзы. Тйни со легендаосын шунды инмар-спасителен но лыд'яське. Озы кылдйзы буддийской, христианской но мукет'эсыз осконлык'эс. Ачиз христианство Римской империйсь рабовладельчество куашкакы кылдйз. Рабын улонлэн туж секытэз ас кужыменызы ужаса улйсьэсты христос-спасительлы осконэ вуттйз. Асьсэлэсь улонзэс умой карыны понна но кычэ югдур адзымтэенызы, соос кутскизы оскыны, соосты ачиз инмар со секыт улонлэсь мозмытоз шуса, кудйз лул'яськыз но кыктэтйзэ лыктоз. Тйни со легенда йыр'яськись, эксплуататор класс'эслы туж пайдаё луиз. Со буйгатылйз куанер'эсты, классовой нюр'ясконлэсь соосты мукет югдуре шонертылйз, чиданы но чалмыт улыны дышетылйз. Христос 100 ар ортчыса лыктон сярысь вераськыны кутскизы. Со нош 1000 ар ортчыса но өз лыкты но, нокуно со уз но лыкты, ваньмыз со сярысь верам'эс выжыкыл'эс но миф'эс луэмен.

Ваньмыз тйни соос сярысь инмарлы оскисьтэм'эс оскисьэслы веракы, оскисьэс туж трос дыр'я тазы шуо: Россиын гинэ, пе, христослэсь улэмзэ зэмен уг лыд'яло. Шунды пуксён палась государствоосын, пе, калык'эс культурнойгесэсь но христослы оско шуо.

Культура пöртэм луэ. Технической наукаосты ке басытоно, татын асьмеос зэмзэ ик бере кылемын на. Нош естественной но общественной наукаосты ке басытоно, та ласянь асьмелэн кунмы коть кудйзлэсь азьмынйсь, коть кудйзлэсь культурной.

Америкаин, кылсярись, Дарвинлэн теориез сяришь вераськылыны уг лэзё. Тйни со теори „священной писанилы“ пумит луэ угось. Шунды пуксён пал государствоосысь тросэз учоноёс капиталлы юрттыса ужа-ло: историысь но общественной улонысь соос наукаез юри палэнто, тйни озы карыса со буржуазилы пайдаё луэмен. Христослэн улэмез сяришь но чылкак озы ик. Тйни со „учоноёс“ научной ласянь эскерыса тодэм'ёслы ваньмызлы пумит мыно.

Озы ке но, со шоры учкытэк но, мукет кун'ёсын таёеосыз но учоноёс трос вал. Соос, христианстволэсь нырись кылдэмзэ тодон бордын ужсаса, евангелиын гож'ям Иисус христос нокуно ой вал, нокуно өз улы шуса, пум'янэ вуизы. Тйни со учоноёс пöлысь вераны луоз, кылсярись, Дюпюи французез, Бруно Бауэр немецез, Берлинысь Древш профессорез, Немоевской польской писателез но туж трос мукет'ёссэ. Христосэз но инмарлы осконэз кулэтэмен лыд'ясьёс пöлын поп'ёс но вал, кылсярись, Америка-ишь Браун епископ.

ДЫР ЛЫД'ЯНЭЗ МАРЛЫ „РОЖДЕСТВО ХРИСТОВОИСЕН“ НУО

Туж чем дыр'я инмарлы оскисьтэм'ёслэсь юало:

Христос нош ой ке вал, марлы бен ар'ёсты „рождество христовоисен“ лыд'яло?

Тйни со юамлы кажноез инмарлы оскисьтэм'ёс шонер вераса сётыны кулэ. Ар'ёсты „рождество христовоисен“ лыд'ян йыр'яськись, кузёяськись классэн малпаса поттэмын. Христианской летосчислениез пыртытозь Европаись кун'ёсын ар'ёсты лыд'ян Римез кылдытэм дырысен мынэ вал. Таин ёош ик нош, таиз но научной өвёл, выжыкыл кадьгес луэ шуса пус'ёно. Озы, кылсярись, Римез кылдытйсьёс — Ромула но Рема сярись — соослы мумы кионэз сюдэмын вал шуса вераськылйзы.

Эксэё вуж Россилэн пеймытэсь гурт'ёсаз ар'ёсты лыд'ян Наполеонэн ожмаськем дырысен, Севастополь ож дырысен, баэдымесь тылпуос потылэм но мукет сыёеос дырысен мынылйз.

Вашкалаослэн исторической книгаосазы, куд-ог интыосын нош али но, ар'ёсты лыд'ян библейской дунне кылдэм дырысен мынылйз. Озы лыд'яса али 7939-тйез ар мынэ ий. Соин ёош ик нош наука, муз'ем, кудйз вылын асьмеос улйськом, миллёно ар'ёс улэ ий шуса возьматэ.

Христианской летосчисления 6-тй вапумын, Дионисий нимо одйг монах, Иисус христос Римез кылдытэм дырысен декабрь толэзылэн 25-тй нуналаз 753-тй аре вордскемын луыны кулэ шуса лыд'ям. Аслэсьтыз лыд'ямзэ Дионисий римской папалы сётэм но ар'ёсты лыд'янэз „рождество христовоисен“ кутскыны ёктэм. Йыр'яськись, кузёяськись класс'ёс тйни со ёктэмез шумпотыса кутйзы но юнматйзы, тйни со угось христослы осконэз уката кужмоятэ. Европалэн шунды пуксён палысьтыз государствоосын озы лыд'яны 720-тй арысен кутскизы, Россиын нош 1700 арысен, Петр I дырысен. Дионисийлэсь озы лыд'ямзэ учоноёс экскерыны кутскем бере, тйни со монах трос алдаськем шуса шарае потйз. Кылсярись, Ирод эксэй, кудйз, со сярьсь евангелиын верам'я, Иисусэз чакласа ульсь марке, Иисус христос „вордскемлэсь“ оло кёня ар'ёс азыло кулэмын.

Озыен тйни христианской летосчислени чик юнме малпаса поттэм маке гинэ но чик научной уг луы. Коть кудйзлэсь но шонер летосчислени луоз соиз летосчислени, кудйз ар'ёсты лыд'янэз нуоз ас кужыменызы ульсьёслэн историязы туж бадзым вошкон дырысен кутскыса. Сыёе бадзым югдур вошкон Октябрь революция луэ. Октябрь революция пролетар диктатуралэсь но социализм лэсьтонлэсь вакытсэ усьтйз. Асьме кунын сыёе летосчислени пыртйське инй, быдэс дунне вылын пролетар революци вор-мем бере нош со мукет'ёс аз но ваньмаз кун'ёсы пыртэмын луоз.

„ХРИСТОС ЧИДАЗ НО АСЬМЕЛЫ НО КОСЙЗ“

лс
Христос сярись выжыкыл ас кужыменызы ульсь-ёслы ваньмызлы туж бадзым урод югдур сётэ. Инмарлы оскись калык'ёслэсь йырвизьзэс со оло мар но кулэтэм, мыдланес макеосын сура, ас кужыменызы ульсьёслэсь асьсэ культуразэс жутыны жегатэ, люкетэ. Со гинэ нош öжыт али. Христос сярись легенда, талэн выльяз асьмеос верам инй, эксплуататор'ёслы, мурт кужымен ульсьёслы туж пайдаё луэ: соослы со асьсэлэсь ас кужыменызы ульсьёсын кузёяськонзэс, йыр'яськонзэс юнматыны но соосты туж кужмо зйбыны юрттэ.

Христианствоин коть марлэсь но туж бадзымез йыркурлы пумит кариськонтэм сярись дышетон луэ. Тани евангелилэн туж кулэ интйыз:

„Мон шуисько тйледлы: йыркурлы пумит эн кариськы. Кинке нош тынад бур пал бамад чапкиз ке, паллян палзэ но со пала берыкты. Кинке нош тонэныд судэтй ветлыса тынэсьтыд дэремдэ басьтыны öдяз ке, сёт солы выл дйськуттэ но...Мон шуисько тйледлы: — яратэ асьтэ-лэсь тушмон'ёстэс, тйледды сантэм карисьёсты благословлять каре, тйледды уллясьёс но вöсь карисьёс понна вöсяське но адзонтэм карисьёс-лэсь кылзйське.“

Христианство аслаз дышетон'ёсыныз ваньмыныз ас кужыменызы ульсьёсты чидан, кылзйськон но чалмыт, востэм улон мылкыдэн утялтэ. Соин нимаз ик вис'яске страдалец-христослэн тусэз. Ачиз инмар коть мар карыны быгатйсь, вормись инмар, вань курадзон'ёсты чидаса ортчылз. Сое жугылзы, со вылэ сяласькылзы, кирос вылэ кортчогазы, гадяз бычкалтйзы, со нош ялан чидаз.

Кинлы со ваньмыз кулэ? Ас кужыменызы ульсьёс кылзйськись, востэмесь адямиослы мед пормозы, вань куанер улонэз, курадзонэз но ёрмонэз чидаса ортчисьёс мед луозы шуса кинлы кулэ? Кызы веранэз валамон: ваньмыз со кулэ ас кужыменызы ульсьёсты эксплуатировать карисьёслы, ас кужыменызы ульсьёслэн курадземзы вылысен но вирзы вылысен асьсэлы узыр улон кылдытйсьёслы, лэсьтйсьёслы. Тйни мар понна буржуазилы христос кулэ. Поп'ёс, со шоры возматыса ас кужыменызы ульсьёслы шуо:

„Христос чидам но асьмелы но косэм“. Ачиз нош поп уг курадзы, сое буржуазия сюдэ, курадзоно луо нош ас кужыменызы ужаса ульсьёс.

Ас кужыменызы ужаса ульсьёс ваньмыз ик нош христослэн дышетэмез'я ке мынсалзы, соос нокуно асьсэдыз эрикэ поттыны ой быгатысалзы. Помещик кресьян калыкез зйбыса возиз, фабрикант ужась калыклэсь вирзэ пызыртыса сьупсьылз, ужасьёс но кресьян'ёс нош христиан югдур'ёс'я асьсэ тушмон'ёссэс яратыны, соослы жугыны понна асьсэ бам'ёссэс но тыбыр'ёссэс пуктылыны, асьсэдыз тюрмае пуктылыны но ыбылыны пумит кариськытэк лэзыны кулэ вал.

Озы ке нош лусал, асьмелэн Октябрь революцимы нокуно ой лусал буружазилэн йыр'яськон, кузёяськонэзлы но озы ик нокуно пум ой вуысал. Тйни марлы буржуазия христос сярись легендалы

сокем дурбасьтэ, тйни марлы со осконлыклясь урод'-
ёссэ шарае поттйсьёсты сокем чакласа улэ.

Ас кужыменызы ужаса уйлсьёс нош христианской дышетэмлэсь классовой луэмзэ пумен но пумен валаны кутско. Поп'ёслы но сектант'ёслы коть кычэ пёртэмесь амал'ёсын соя тупатсконо луэ. Соки соос христосэз социалистэн, революционерен, зйбет улын пачкаса уйлсь калык'ёслы дурбасьтйсен яло. Сыче амал'ёсын выроно луо поп'ёс но сектант'ёс тужгесик асьме кунын, капиталлэн власез бырем кунын. Кемалась өвёл, баптист'ёслэн центральной советсы аслаз организациосызлы ыстэм гоштэтаз, инмарлы оскисьтэм'ёсын вераськон но тэкшерон дыр'я христос ас кужыменызы уйлсь семья пушкысь потэм марке луэ шуса веран сяриь косон сётйз. Солэн мумиз векчи өнеро муртлэн нылыз, солэн картэз нош Иосиф—плотник вал шуса вераны.

Соослэн озьы турттэм'ёссы нош юнме гинэ луо! Соослы ас кужыменызы уйлсьёсты со приманкае шедьтыны уз йоты. Инмарлы оскисьтэм'ёс чик курадзйтэк, кужымзэс быдтытэк тйни со эрекчи выжыкыл'ёсты шарае поттыны быгатозы. Нокуно но кычэ христос но ой вал шуса соос возматозы, соиз нош, калык'ёслэн малпаменызы кылдытэм христос, кудйз сяриь евангелиын вераське, нокуно революционер но, ас кужыменызы уйлсьёслы дурбасьтйсь но ой вал шуса возматозы. Кычэ дурбасьтйсь бен со луоз, бур пал баме чапкылыкызы паллян палзэ берыктыса пуктыны косэ бере?! Ас кужыменызы уйлсьёслэн кычэ дурбасьтйсьсы бен со, аслаз одйгаз притчаз ужасьёсыз кузёзылы өжыт ужамзы понна кузёзылэсь соосты жугемзэ уш'ям бере! Кычэ революционер бен со, „эксэйлы эксэйлэсьсэ, инмарлэсьсэ нош—инмарлы кылдытыны“ өте бере! Чик валэктытэк но валано.

Христос сярись со легендаез шарае поттонын
егитэсь инмарлы оскисьтэм'ёс пырпоч ужаны кулэ.
Тужгес ик но кыктэтйээ лыктонэз сярись выжыкыл
борды кутсконэ: Со выжыкыл — коть кудйзлэсь уро-
дэз. Ас кужыменызы ульсьёс асьсэос умой улон ше-
дьтыны уз бытатэ, сое христос гинэ сётэз, кыктэтйээ
лыктэм безаз шуса, со дышетэ. Али, пе, нош, капи-
тализо кун'ёсысь ужасьёс но кресьян'ёс чидалэ,
революция лэсьтыны эн дйсьтэ шуса со дышетэ. Асьме
кунын нош со христианской рай сярись выжыкыл,
ас кужыменызы ульсьёсты, инмарлы оскисьёссэ соци-
ализм понна нюр'яськонысь палдуртэ.

КЛАССОВОЙ ТУШМОН'ЕС ПУМИТЭ СУЛТЫНЫ ДАСЬ КАРИСЬКОНО

Совето Союзысь ужасьёс но кресьян'ёс пумен но пумен поп'ёслэн выжыкыл'ёссылы оскемысь дугдо. Коммунист партилэн кивалтэмез'я соос капиталис'ёслэсь но помещик'ёслэсь власьсэс сэрпалтйзы, белогвардеец'ёслэсь трос пол асьме вылэ тэтчылэм'ёссэс пешкыт'яса лэзьылйзы, поп'ёслэн выжыкылэн верамзы кадь рай өвёл, муз'ем вылэ зэмзэ ик югыт улон—социализм лэсьтыны кутскизы.

Со улонлэн нырись кутскон' вакытаз асьмеос пырим инй. Ужтэк ёрмисьёс асьмелэн табере чик өвёл инй. Пятилеткалэн куиньметй араз промышленность, вуж эксёё Росииын сётылэмез сяришь куинь пол трос продукции сётоз. Куанер но шорокуспо улисьёс бадзьимесь тулкым'ёсын колхоз'ёсы пырыло. Жыныезлэсь уноез кресьян хозяйствоос виль, социализмо сюрес вылэ потйзы. Культурной ужпумын но асьмелэн бадзьимесь азинскем'ёсмы вань. Быдэс кунын ог'я дышетон но гожтэт тодымтээз быдтон мынэ. Школаосын зэмзэ ик политехническое образование пыртйське инй. Детской яслиос но сад'ёс, больницаос, ог'я сиськон столовоёс но трос мукет сычеос лэсьтйсько. СССР азьло дыр'я бере кылем кунысь азьмынйсь кунлы пөрме.

Социализмо кунын кулак'ёслы, вузкаришьёслы но нэпман'ёслы инты уз луы. Али ик инй ог'я колхоз вёлмытон вылэ пыкиськыса кулак классэз быдтйськом.

Асьсэлэсь быронзэс шөдыса но вужызлэсь берыт-сконтэмзэ адзыса, кулак'ёс, вузкарьсьёс но нэпман'ёс асьмелы урод карыны, социализмо лэсьтйськонэз жыныё дугдытыны туртто.

Быдэс дунне вылысь империалист'ёс асьсэлэсь жоген быронзэс шөдо. Асьмелэн хозяйствомы туж жог будэ, капитализмо кун'ёсысь хозяйство нош нуналлы быдэ пумен куашка. Али ваньмаз капитализмо кун'ёсын 35 миллэн муртлэсь уногес ужтэк ёрмем'ёс лыд'ясько. Ваньмаз ик кун'ёсын ужасьёслэн но кресьян-ёслэн революци мылкыдэн бугыр'яськонзы туж жог будэ. Совето Союзысь ас кужыменызы ужасьёслэсь лэсьтэм ужзэс соослэн лэсьтон дырзы кыдёкын өвөл нй.

Тйни марлы капиталист'ёс Совето Созэз луэмез'я жоггес зйбыны, сое кекатыны, асьмелэсь вить арлы тупатэм планмес куашкытыны туртто. Совето Союз сярьсь соос оло кыче но уродэсь кылпум вөлдыло но интервенцилы дасясько.

Церковник'ёс но сектант'ёс соослэн совето Союзлы но ужасьёслэн но кресьян'ёслэн революци мылкыдэн бугыр'яськонзылы пумит нюр'яськоназы юртто. Римской папа, кудзэ католик-христиан'ёс инмарлэн муз'ем вылын юрттйсьез шуса лыд'яло, СССР пумитэ „крестовой поход“ но вырзытыны кутскылйз. Ваньмаз ик черк'ёсын но мукет сыче вöсьяськон интыосын коть кыче тус'ем осконлык'ёсысь поп'ёс совето Союзлы пумит урмем кадь потало.

Асьме кунын но церковник'ёс но сектант'ёс изыса уг уло. Ас кужыменызы улйсьёсты соос антихристэн кышкат'яло, „инмар“ вöськаронэн но коллективизаци ужлы пумит султыло, ог'я дышетонэз но совето власьлэсь мукет сыче кутэм югдур'ёссэ тугалляло. Пинал'ёс пöлын но соос бадзым уж'ёс нуо, асьсэ пöлы соосты кужым'ёсын но марке утялтон'ёсын кысыса.

„Рождество“ дыр'я поп'ёс пинал'ёсты рождественской ёлкаен но „дед-морозэн“ ас палазы кыскыло, пасха дыр'я нош — кулич'ёсын но сырез лэсьтэм пасхаен. Егитэсь инмарлы оскисьтэм'ёс поп'ёслэсь христос сярысь выжыкылзэс шарае поттыны но асьсэлэн эш'ёссылы ваньмызлы ик возьмагыны кулэ. Озы ик нош возьматыны, валэқтыны кулэ ноку вылымтэ христослэн „югыт“ оброс (мудор) съобраз, рождественской ёлка но пасхальной кулич съёрын съось кадесь классовой тушмон'ёс ватскыса уло шуса.

Егитэсь инмарлы оскисьтэм'ёс! Пёртэм осконлыко выжыкыл'ёсын но поп'ёслэн но сектант'ёслэн контр-революци мылкыдэн потам'ёсынызы нюр'яськыны дась луэ! Асьтэлэсь классовой сэзьлыктэс кужмоятэ! „Оскондыклы пумит нюр'яськон — социализм понна нюр'яськон луэ“ шуса эн вунэтэ!

ЙЫР'ЯН

| | |
|--|----|
| Пинал'ёслы христос сярись марлы тодыны кулэ | 3 |
| Иисус христослэн одйг чур но гожтэmez өз кылыы | 5 |
| Иисус христослэсь ноқыче памятник'ёс өвёл кылемын | 8 |
| Соқы дыр'я историк'ёс пёлысь одйгез но Иисус сярись номыр уг гожты | 10 |
| Евангелиос Иисуслэн улэmez сярись возматйсьёс „луыны уг быгато | 14 |
| Вал-а христос? | 19 |
| Дыр лыд'янэз марлы „рождество христоволсен“ нуо | 24 |
| Христос чидз но асьмелы но косйз | 26 |
| Классовой тушмон'ёс пумитэ султыны дась кариськоно | 30 |

Дуныз 12 коньы.
Цена 12 коп.

А. 1

4533

Удмур.
Н 3-89



На удмуртском языке

Н. АМОСОВ

Сказка о Христе

ЦЕНТРАЛЬНОЕ ИЗДАТЕЛЬСТВО НАРОДОВ СССР
Москва, центр, Никольская, 10.